

საქართველოს ცენტრალური საარჩევნო კომისია



ცესკო

საქართველოს საარჩევნო
ადმინისტრაცია

ელექტრონული ტენდერი
კონკრეტების სახელმწიფო შესყიდვის მიზნით

სატენდერო დოკუმენტაცია

ქ. თბილისი 2016 წ.

1. ტექნიკური დოკუმენტაცია
2. დამატებითი ინფორმაცია
3. სახელმწიფო შესყიდვების შესახებ ხელშეკრულების პროექტი
4. რეკვიზიტები - დანართი #1
5. ფასების ცხრილი - დანართი #2

1. ტექნიკური დოკუმენტაცია

1.1 საკვალიფიკაციო მოთხოვნები

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1.1 იურიდიული პირისათვის:

- ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან.
- ბ) ცნობა სსიპ შემოსავლების სამსახურიდან ბიუჯეტის წინაშე დავალიანების არქონის შესახებ

1.1.2 ფიზიკური პირისათვის:

- ა) ცნობა უფლებამოსილი ორგანოდან, რომ არ მიმდინარეობს ფიზიკური პირის გადახდისუუნარიანობის საქმის წარმოება.

1.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს "გამარტივებული ელექტრონული ტენდერის და ელექტრონული ტენდერის ჩატარების წესის" მე-2 მუხლის პირველი პუნქტის "ლ" ქვეპუნქტით გათვალისწინებული ეტაპის დაწყების შემდეგ;

1.3. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენებით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში სატენდერო კომისია მოახდენს ამ პრეტენდენტის დისკვალიფიკაციას.

1.4. შესყიდვის ობიექტის ტექნიკური დავალება:

#	საქონლის დასახელება	რაოდენობა (ცალი)
1	კონვერტი "დიპლომატი" 10.5X24 სმ, არაწებოვანი, ცესკოს ლოგოტიპით და ტექსტით ცალ მხარეზე, 110 გრ.	6 000 000 (ექვსი მილიონი)
2.	კონვერტი სტანდარტული A4 110 გრ, წებოვანი, ცალ მხარეზე ცესკოს ლოგოტიპით	250 000 (ორას ორმოცდაათი ათასი)
3	კონვერტი სტანდარტული A3 110 გრ, წებოვანი, ცალ მხარეზე ცესკოს ლოგოტიპით	20 000 (ოცი ათასი)

1.4.1 ელექტრონული ვაჭრობის დამატებითი რაუნდების დასრულების შემდგომ მომდევნო სამუშაო დღის 18.00 საათამდე პრეტენდენტი ვალდებულია შემსყიდველ ორგანიზაციაში წარმოადგინოს შესყიდვის ობიექტით გათვალისწინებული საქონლის ნიმუში თითოეული პოზიციის მიხედვით.

1.4.2 ლოგოტიპისა და ტექსტის განლაგება შეთანხმდება გამარჯვებულთან.

1.4.3 პრეტენდენტს 2014-2016 წლებში უნდა გააჩნდეს ანალოგიური საქონლის (ქაღალდის პროდუქცია) მიწოდების გამოცდილება საერთო ღირებულებით არანაკლებ 200 000 ლარი.

1.4.4 პრეტენდენტის მიერ წარმოდგენილი ნიმუშები დაზუსტებას არ ექვემდებარება.

1.5 ანგარიშსწორების პირობები:

1.5.1 სატენდერო წინადადებაში საერთო ფასი გამოსახული უნდა იყოს შესყიდვის ობიექტის ადგილზე მიწოდებასთან დაკავშირებული ყველა ხარჯის ჩათვლით.

1.5.2 ანგარიშსწორება განხორციელდება უნაღდო ანგარიშსწორებით ლარში.

1.5.3 ანგარიშსწორება ხორციელდება საქონლის მიწოდების შემდგომ, მიღება-ჩაბარების აქტისა და შესაბამისი საანგარიშსწორებო დოკუმენტაციის გაფორმებიდან 15 დღის განმავლობაში.

1.5.4 საავანსო ანგარიშსწორება არ გამოიყენება.

1.6. მიწოდების პირობები და ვადები

1.6.1. საქონლის მიწოდება უნდა განხორციელდეს არაუგვიანეს 2016 წლის 20 სექტემბრისა.

1.6.2 მიწოდების ადგილია: ქ. თბილისი, მ. ალექსიძის ქ. N1

1.7. პრეტენდენტმა სისტემაში უნდა ატვირთოს შემდეგი ინფორმაცია:

1.7.1. პრეტენდენტის შესაბამისად უფლებამოსილი პირის მიერ ხელმოწერილი და ბეჭედ დასმული ინფორმაცია რეკვიზიტების და სატენდერო წინადადების ფასის შესახებ (დანართი #1).

1.7.2 ფასების ცხრილი (დანართი #2).

1.7.4 2014–2016 წლებში ანალოგიური საქონლის (ქაღალდის პროდუქცია) მიწოდების გამოცდილების შესახებ ღირებულებით არანაკლებ 200 000 ლარი, დადასტურებული ხელშეკრულებებითა და საანგარიშსწორებო დოკუმენტაციით.

1.8. ხელშეკრულების შესრულების უზრუნველყოფის საბანკო გარანტია

1.8.1 ტენდერში გამოიყენება ხელშეკრულების შესრულების უზრუნველყოფის საბანკო გარანტია, ხელშეკრულების ღირებულების 3%-ის ოდენობით, ხოლო იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე ხელშეკრულების შესრულების უზრუნველყოფის საბანკო გარანტია ნაცვლად 3%-ისა განისაზღვრება 6%-ის ოდენობით.

1.8.2 ხელშეკრულების შესრულების უზრუნველყოფის საბანკო გარანტია წარმოდგენილი უნდა იყოს გამარჯვებული პრეტენდენტის მიერ ხელშეკრულების გაფორმების მომენტისთვის.

1.8.3 ხელშეკრულების შესრულების უზრუნველყოფის საბანკო გარანტიის მოქმედების ვადა მინიმუმ 30 კალენდარული დღით უნდა აღემატებოდეს საქონლის მიწოდების ვადას.

1.8.4 ხელშეკრულების შესრულების უზრუნველყოფის საბანკო გარანტიის წარმოდგენა ხორციელდება სისტემის გამოყენების გარეშე.

1.9. დამატებითი მოთხოვნები

1.9.1 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპოდენცია და დოკუმენტაცია წარმოდგენილ უნდა იქნას ქართულ ენაზე.

1.9.2 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

1.9.3 სატენდერო წინადადებაში საერთო და ერთეულის ფასი გამოსახული უნდა იყოს შესყიდვის ობიექტის მიწოდებასთან დაკავშირებული ყველა ხარჯის გათვალისწინებით.

1.9.4 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

1.9.5 თუკი, დაბალი ფასის მქონე პრეტენდენტმა, სისტემაში დაფიქსირებულ საბოლოო ფასსა და სავარაუდო ღირებულებას შორის დააფიქსირა 20%-ით ან მეტით სხვაობა, ასეთ შემთხვევაში მიმწოდებელი ვალდებული იქნება დაასაბუთოს ფასწარმოქმნის ადეკვატურობა და ამ საქონლის მიწოდების შესაძლებლობა. აღნიშნული დასაბუთების წარმოდგენლობა გამოიწვევს ტენდერში მონაწილე პრეტენდენტის დისკვალიფიკაციას.

1.9.6. 1.9.5 ქვეპუნქტით განსაზღვრულ შემთხვევაში პრეტენდენტმა უნდა წარმოადგინოს ანალოგიური საქონლის მიწოდების ხელშეკრულებები ან/და მიღება-ჩაბარების აქტები, რომლებიც დაადასტურებს, რომ შემოთავაზებული ფასის პირობებში, პრეტენდენტის მიერ ხელშეკრულებით განსაზღვრული ვალდებულებების შესრულება შესაძლებელია.

2. დამატებითი ინფორმაცია

2.1. ტენდერში მონაწილეობის მიღებით პრეტენდენტი ეთანხმება სატენდერო დოკუმენტაციის ყველა მოთხოვნასა და პირობას.

2.2. პრეტენდენტის მიერ, სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი და ბეჭედდასმული (არსებობის შემთხვევაში) უნდა იყოს პრეტენდენტის უფლებამოსილი პირის მიერ.

2.3. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის მიღება პრეტენდენტს შეუძლია სახელმწიფო შესყიდვების ერთიან ელექტრონულ სისტემის „კითხვა/პასუხის“ მოდულის საშუალებით.

2.4. სატენდერო დოკუმენტაციასთან დაკავშირებული განმარტებების გაცემაზე პასუხისმგებლები არიან სატენდერო კომისიის აპარატის წევრები ბ. ბეგიაშვილი, გ. გაბაშვილი. ტელ: 2510051 (240)

ელ. ფოსტა: bbegiashvili@cec.gov.ge, ggabashvili@cec.gov.ge

3. ხელშეკრულების პროექტი

ქ. თბილისი

2016 წელი

საქართველოს კანონის „სახელმწიფო შესყიდვების შესახებ“ საქართველოს ცენტრალური საარჩევნო კომისიის მიერ, სახელმწიფო ბიუჯეტიდან გამოყოფილი დაფინანსების ფარგლებში

ერთის მხრივ საქართველოს ცენტრალური საარჩევნო კომისია წარმოდგენილი თავმჯდომარის სახით შემდგომში ”შემსყიდველი” და მეორეს მხრივ-----”მიმწოდებელი” ----- სატენდერო წინადადების საფუძველზე, ელექტრონული ტენდერის (#SPA-----) ჩატარების შედეგად ურთიერთშეთანხმების საფუძველზე დებენ ამ ხელშეკრულებას შემდეგზე

1. ხელშეკრულების საგანი

1.1 წინამდებარე ხელშეკრულების საფუძველზე მიმწოდებელი უზრუნველყოფს ----- ცალი სხვადასხვა ზომის კონვერტის მიწოდებას მიწოდებას შემდგომში „საქონელი“, ხოლო შემსყიდველი კისრულობს ვალდებულებას მიიღოს მოთხოვნილი საქონელი და გადაიხადოს მისი ღირებულება ხელშეკრულებით გათვალისწინებული წესით.

2. საქონლის ღირებულება

2.1. მთლიანი სახელშეკრულებო თანხა დღგ-ს გათვალისწინებით შეადგენს ----- ლარს.

2.2 საქონლის აღწერილობა და ერთეულის ფასები ასხული იქნება დანართში.

3. საქონლის მიღება-ჩაბარება

3.1. საქონელი ან მისი ნაწილი ჩაითვლება მიღებულად მიღება-ჩაბარების აქტის გაფორმების შემდეგ.

3.2. საქონლის მიღება-ჩაბარება დასტურდება მხარეთა წარმომადგენლების მიერ სათანადო აქტით.

3.3. მიღება-ჩაბარების აქტის საფუძველზე შემსყიდველი ახდენს ანგარიშსწორებას მიმწოდებლისგან მიღებული საქონლისთვის.

4. მომსახურების მიწოდების ვადები და ადგილი

4.1 შესყიდვის ობიექტის მიწოდება ხორციელდება არაუგვიანეს 2016 წლის 20 სექტემბრისა.

4.2. საქონლის მიწოდების ადგილი: მ. ალექსიძის ქ. #1, ცესკოს საწყობი

5. გარანტია

5.1 მიმწოდებელი იძლევა გარანტიას, რომ მიწოდებული საქონელი იქნება ხარისხიანი და შესაბამემა შემსყიდველი მოთხოვნებს.

6. ანგარიშსწორება

6.1. ანგარიშსწორება განხორციელდება მიღება-ჩაბარების აქტის და შესაბამისი საგადასახადო ანგარიშჟაქტურის ან/და სასაქონლო ზედნადების გაფორმებიდან 15 დღის განმავლობაში

6.2. ანგარიშსწორება განხორციელდება უნაღდო ანგარიშსწორების ფორმით.

6.3. ანგარიშსწორება მიმწოდებელთან განხორციელდება ლარებში.

7. ხელშეკრულებაში ცვლილებების შეტანა

7.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

7.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

7.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

7.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად

8. უფლებების გადაცემა

8.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე პირს მოცემული ხელშეკრულებით არსებული თავისი ვალდებულებები.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10. მხარეთა პასუხისმგებლობა

10.1 ხელშეკრულების მონაწილე მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზარალი, მოქმედი კანონმდებლობით განსაზღვრული წესით.

10.2 შემსყიდველი კისრულობს ვალდებულებას გადაუხადოს მიმწოდებელს პირგასამტეხლოს სახით ანგარიშსწორების ვადების დარღვევისათვის გადასახდელი თანხის 0.1 პროცენტი ყოველი ვადაგადაცილებული დღისთვის.

10.3. მიმწოდებელი კისრულობს ვალდებულებას გადაუხადოს შემსყიდველს პირგასამტეხლოს სახით 4.1 პუნქტით გათვალისწინებული მიწოდების ვადების დარღვევისთვის საქონლის ღირებულების 0.1 პროცენტი ყოველი ვადაგადაცილებული დღისთვის

11. ხელშეკრულების შეწყვეტა მისი პირობების შეუსრულებლობის გამო

11.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია სრულად მიაწოდოს საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

11.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

11.4 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

12. ხელშეკრულების შესრულების კონტროლი

12.1 შემსყიდველს უფლება აქვს მიმწოდებლის მიერ საქონლის მიწოდებისას, განახორციელოს ტექნიკური კონტროლი. კონტროლს ახორციელებს ინსპექტირების ჯგუფი.

12.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

12.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

13. ხელშეკრულების შესრულების გარანტია

13.1. იმისათვის, რომ თავიდან იქნეს აცილებული რისკი, წარმოქმნილი მიმწოდებლის მიერ, სახელმწიფო შესყიდვების შესახებ ხელშეკრულების შეუსრულებლობის გამო, მიმწოდებლის მიერ წარმოდგენილ იქნება ხელშეკრულების შესრულების უზრუნველყოფის საბანკო გარანტია მთლიანი სახელშეკრულებო თანხის 3%-ის ოდენობით.

13.2 ხელშეკრულების შესრულების გარანტია მიმწოდებელს უკან არ უბრუნდება ხელშეკრულების პირობების შეუსრულებლობის ან არაჯეროვნად შესრულების შემთხვევაში

13.3 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ, შემსყიდველი დაუბრუნებს მიმწოდებელს ხელშეკრულების შესრულების უზრუნველყოფის გარანტიას

14. ფორს-მაჟორი

14.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე

არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15 სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

16. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელისმოწერის დრიდან და მოქმედებს 2016 წლის 30 ოქტომბრამდე.

ხელშეკრულება შესრულებულია და ხელმოწერილია ორ ეგზემპლარად რომლებიც ინახება ხელშეკრულების მონაწილე მხარეებთან.

მხარეთა იურიდიული მისამართები და საბანკო რეკვიზიტები
შემსყიდველი მიმწოდებელი

4. რეკვიზიტები:

პრედენდენტის დასახელება:

ხელმძღვანელის სახელი და გვარი:

პრეტენდენტის მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი:

5. ფასების ცხრილი

პრეტენდენტის დასახელება _____

#	საქონლის დასახელება	აღწერილობა	რაოდენობა	საქონლის ბრენდი, წარმოშობის ქვეყანა	ერთეულის ფასი დღგ-ს ჩათვლით (ლარში)	საერთო ფასი დღგ-ს ჩათვლით (ლარში)	მიწოდების ვადები
1							
2							
3							
						სულ:	

პრეტენდენტის ხელმოწერა და ბეჭედი _____